



UNIVERSITÄTS-  
BIBLIOTHEK  
PADERBORN

# Waerchtighe Historie Van de Martelaers Van Gorcom

**Estius, Wilhelm**

**Antwerpen, 1604**

Capittel I. Veur-reden van desen boeck, ende de naemen der Martelaeren.

---

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)



Der waerachtigher  
**HISTORIEN**

Dan de  
 MARTELAERS VAN GORCOM.

Het derde boeck.

CAPITTEL I.

Veur-reden van desen boeck, ende de naemen  
 der Martelaeren.



**V**ol-cpndt hebbende het verhael van t'ge-  
 ne dat ick aen-gaede den glorieusen strijdt  
 onser hepligher Martelaren hebbe connen  
 vernemē / heeft my daer-en-bouen groo-  
 telijcks ter pinnen weerdit ghedocht te wesen / dat ick  
 byde veur-gaende twee boecken desen derden soude  
 by voeghen / inden welcken ick cortelijck sal beschrij-  
 uen ende der ghedenckenisse vande na-comelinghen  
 bevelen / sommighe puncten die ick van elcken vande  
 de Martelaers ben ghecomen te weten / aen-gaen-  
 de hun leuen / manieren ende oefeninghen die sy in-  
 de heplighe Kercke hebben ghchadt. Want dit sal  
 de histoziē van hunne passie seer verclaren / ende den  
 Lesers (sonderlinghe die deur de exempelē der heps-  
 lighen soecken verweckt te worden tot vol-maecht-  
 hepdt des leuens) niet alleen vermaeckelijck maer  
 oock seer profijtelijck wesen. Welck eer ick bes-  
 ginne / sal aller-eerst alle hunne naemen verhaelen  
 in orden / niet naer elcks verdiensten / die Godt ale-  
 leen can gheweghen / maer ghelijck onse verhalinge  
 aller-best dienen sal. De naemen zyn dese. j. Nic-  
 colaes /



colaes / ij. Hieronymus / iij. Dierick / iij. Pica-  
 sius / v. Wilhardus / vj. Godefridus / vij. An-  
 tonius / viij. een andere Antonius / ix. Franciscus /  
 x. Petrus / xi. Cornelius / xij. Leonardus / xij. een  
 andere Nicolaus / xiiij. een andere Godefridus /  
 xv. Joannes / xvj. noch een Joannes / xvij. Adria-  
 nus / xvij. Jacobus / xix. Andreas. Vande  
 welke de elue eerste zijn gheweest Minder- broe-  
 ders die- men noemt Obseruanten midts hunne  
 vol-comene professie ende onder-houdinghe des re-  
 gels hen van S. Francisco achter-ghelaten. Van-  
 der acht zijn wel alle te samen Priesters gheweest /  
 nochtans niet van een maniere van leuen / ghelijck  
 het verbolgh van onse verhalinghe van elcken by-  
 sonder t'lijner plaetsen sal doen blycken. Nu dan  
 laet ons aen-slaen dat wy veur-ghenomen hebben.

## CAPITTEL II.

Vande af-comste van P. Nicolaes Pieck, ende  
 hoe hy naer Louen is ghesonden.

**N**icolaes Pieck ghebozen van Gorcom hadde  
 tot eenen vader Jan Pieck / ende tot een moe-  
 der Henriken Calue / eerlijcke ghehouwde perso-  
 nen / en treffelijcke onder-houders vā het oudt waer-  
 achtigh Catholijck gelooue: sonderlinge de mā / als  
 die hem dick-wils getoont heeft te wesen niet alleen  
 ghetrouw bozgher veur de op-rechte religie / maer  
 dock een dappere veur-bechter der seluer. Want  
 om dit een punct onder vele andere van hem te ver-  
 halen / all-ser op eenen tijdt inde selue stadt een wolf  
 met bedrieghelijcke behendigheydt de plaetse van de  
 Pastoor hadde inne-ghenomen / ende al-reede de  
 schaepkens des Heeren secretelijck hadde beginnen  
 te be-